

# PeoplePLUS

VOL.1 NO:30

28 November 2017



## Ase rod leskiz politik

*Annou sakenn fer son  
travay pour ede*

*rezourd problemnm Sesel*

**M**esaz i kler: Pa aköz lopozişyon i oule pouvwar ki zot krwar ki zot kapab met presyon lo ladminstrasyon Prezidan Faure a sak fwa ki zot ganny en loportinite, konmsi zot annan en baton mazik pour vin rezourd tou problemnm.

**I**menm annan swadizan problemnm ki zot par deryer avek bi rod leskiz pour imilye zot opo- nan. Par egzanzp, demonstrasyon dan semen, lekel sa politisyen lopozişyon ki konsider reperkisyon zot aksyon lo nou lendistri touris ki dipen tou Seselwa?

Dan son 4enm konferans lapres, Prezidan Faure i'n fer byen kler ki lo sa sez kot i asize napa nanryen ki fasil. I konnen ki i annan dimoun ki tya kontan i sorti prezidan la komela menm pour donn zot plas. I demann zot pour zot rezourd zot prop problemm dan lopoziyon tandis ki li ya kontinyen e fini son manda. I pa dan biznes bat latet dimoun pour dir ki napa problemm- i fer konnen ki Sesel i annan son problemm me ki travay pe ganny fer pour adres sak sa bann problemm. « Mon napa en baton mazik pour efas tou sa bann problemm, » i ti dir. I ti azoute ki ler en dimoun i andeor i war keksoz en fason, e li ki koman Prezidan i war keksoz totalman

diferan. Menm si i tya swete rezourd tou problemm, selman Kreater, Dye tou Pwisan ki kapab fer sa.”

“Let's get real”, Prezidan ti reponn kestyon zournalis an dizan ki koman Prezidan i pe fer fas avek problemm ki reel. Prezidan pa pe pran desizyon pour rod gen politik, me plito dan en fason ki met Sesel premye. I sanmenm rezon aköz ozordi i asize e koz selman State House e nonpa Maison du Peuple. Sa fame mo divors ki serten pe tay avek i senpleman vedit ki Prezidan Faure pa mel dan direksyon Parti Lepep. I'n divorce ek gouvrenans Parti Lepep. Me i reste en zanfan Lepep. Son konviksyon politik pa sanze.

Prezidan Faure pa mel dan gouver-

nans son Parti aköz i pe fer bokou sakrifis, pour li travay pour tou Seselwa e pour Sesel. I pe travay avek tou son loner. I travay koman en patriot akote lopoziyon pour Sesel. Menm pour lopoziyon- zot problemm antre zot fodre ki zot realize i pa bon pour Sesel. Sa koabitasyon i en loportinite pour travay pour progre Sesel e pour tou Seselwa san sa neseseite annan okenn divizyon politik ki kapab annan konsekans grav lo Sesel e sitwayen Seselwa. Legzekitiv, Lasanble Nasyonal e Lezislativ- sakenn i annan son devwar e dan en fason ki responsab, pour travay pour benefis Sesel.

# 2018- Plis lord e disiplin pou rennyen dan pei- *Prezidan Larepublik i'n dir*

Konstitisyon i fer provizyon pour Sesel annan en larme. Sa Prezidan Faure i'n fer resorti. Me i'n osi dir ki, koman Komandan an Sef, i pe fer li son devwar pour revwar lentelizans pei. Konsey Ladefans pou revwar lafason ki travay pe ganny fer par larme Sesel avek bi fer sir ki Sesel i ganny sa ki pli enportan avek sa tan modern ki Sesel i ladan.

Sesel i bezwen en sistenm lentelizans nasyonal pour protez li. Resours i annan, se lafason ki sa resours i ganny servi ki enportan ozordi.

Lapolis i'n ganny li en nouvo komisyoner ki pe travay avek nouvo Atorni Zeneral pour zot revwar bann lalwa ki pou ed pei annan plis lord.

I pa normal pour nou les nou sitwayen santi fristrasyon oswa lensertitid. E letan ki statistik i montre ki

vole ek krim i asosye ek sa problemm drog, annou pa dir ki direksyon pei pa bon. Bann diferan departman Gouvrenman pe travay ansanm pour fer sir ki an 2018, pou napa lensertitid. Sa ki komet son fot, sa ki fer krim, sa ki kas lakaz dimoun pour vole- lalwa pou ganny aplike.

Fodre ki sitwayen i respekte lotorite ; tel ki Leta limenm, lafors lapolis e zidisyer. Lafors Lapolis Sesel pou retir tou son lekipman oswa program ki'n ekspire pour fer li vin en lafors modern, e avek otan resours pour li koman en lafors vin pli performan.

Zanfan lekol pa pou kapab kontinyen pran lalwa dan zot lanmen. Paran pa pou kapab zis antre dan baro lekol e bat ansennyan. Gard pa pou kapab reste kot baro lekol e napa drwa antre dan lekol pour pran

aksyon.

Lasanble Nasyonal i annan en travay devan zot pour ede pas lalwa ki pou preskri bann kriter ki zanfan pou bezwen swiv dan lekol. Lord ek disiplin pou lo tou nivo, aköz nou pep i bezwen kontinyen lo sa semen progre trase 40 an pase.

E politisyen pou bezwen vin responsab dan lafason ki zot travay. Nepli tan zis fer politik bonmarse. Parey Prezidan Larepublik in dir, i pe fer fas avek problemm ki reel, i pe sakrifye pour Sesel.

Alor bann politisyen, zot osi san fer okenn diskriminasyon kont zot oponan, oswa dimoun ki pa siport zot parti politik, zot merit pe travay dan en fason ki pli responsab e fer sa travay dan lonnekte e dan benefis Sesel.